

آبونه شرايطی

داخلی، خارجی هریر ایچول
سنه لک (۲۵۰)، آلتی آیانی
(۱۳۰) غروشدرد.

[نسخه سی ۵۰ فروش،
سنه لک ۵۲، نسخه در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسالکه موافق آثار مع المنونیه
قبول اولنور درج ایدله بن
یازیلر اعاده اولونماز .

کتابخانه

دینی، فلسفی، علمی، ادبی هفتلق مجموعه اسلامیة در

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد عاکف

والله یهدی من یشاء الی صراط مستقیم

حقیقی مسلکی، فکر و مقصدینه توافق ایمان سوز لرله، مؤمناری آلا تاقی، اوتنه طرفده علملر ندم کافر لر وفاق و محادنتده بولنقدن عبارتدر.

منافق بویله یا عیوبده اولدینی کبی کور ونسه، حالت اصلیه سنده تبات ایتسه شهه بوق که مضرتی دها اهون اولور، دینه صادق اولوب قوی فعلنه تطابق ایتسه فلاح و نجاج بولور ایدی.

فقط اونلر بویله معین و قطعی بر مسلک تعقیب ایتسه هیچ بروقت طرفدار اوله مازلر، « اذا قیل لهم لا تفسدوا فی الارض قالوا انما نحن مصاحون » آیت کریمه سنک ایضاح ایتدیکی وجهله نفاق جویانه حرکتلر ندم شهه لنه رک، فساد حیقار مغه اوغرا شتایبیکز ا یولنسنده اخطاراتنده بولنلرله، « فساد حیقار میورز . بالعکس مؤمنلرله کافر لر آره سنده مدارات پرورانه برخط حرکت تعقیب ایتدیرک ایکی طائفه آره سنده حصول صلاح و اشلافه خدمت ایدیورز، یولنسنده سرداعذار ایله مؤاخذه ایدنلری اسکانه چالیشیرلر .

بوکا بناء درکه جناب حق «الا انهم هم المفسدون ولكن لا يشعرون» آیت کریمه سیله سرد ایتدیکاری معذرتلرک هیچ بر قیمت و اهمیتی اولمادیغنی بیان ایله مؤمنلری خدعه و تسوینلرینه قایلنقدن تحذیر ایتدکه، اونلرک مصلح دکل، حقیقی بر مفسد اولدقلری، یا جهالتلری یا خود آمال نفسانیلرینه انقیادلری یوزندن بو حاللرینی کندیلری ده بیلمه دکارینی اخطار بیورنقدده در.

عبدالعزیز چاولیش مترجمی: محمد شوکت

ابن جریر دییورکه: « منافق لر یوزنده ایقاع فساد استعدادی حائر اولانلرک اک برنجیلر ننددرلر . چونکه بونلر سائعه نفاق ایله کونا کون معصیتلره جرات ایدرلر، جناب حقل نهی ایتش اولدینی شیرلی ارتکاب، فرائضی ترک واهمال خصوصنده لاقید داورا نیرلر. دینه مستند اعمال و افعالتک شرط صحت و مقبولیتی، دینی تصدیق و حقیقت اولدینه یقین حاصل ایتدکن عبارت اولدینی بر امر آشکار ایکن دین حقنده شک و شهه بسارلر. دوچار اولدقلری علت ضلالتک باشلیجه سببی ریب و شکدن قور تولاماملری، فرصت الورد کجه الهی دوست ایدینلر علمنه اونک وحدانیتی، کتابلری، پیغمبرلری تکذیب ایدنلری تأیید و مظاهرت اولدینی حالده مؤمنلره قارشلی مسلک لرینک خلافی ادعا ایله کذب اختیار ایدرلر. ایتسه منافق لرک پر یوزنده اصلاحه ساهمی بولندقلری وهم و خیالیله ایقاع ایتدکاری فسادک منشائی اونلرک بوکبی حاللریدر. »

فتح البیان صاحبی ابن جریرک فکرینی تصویب و اسبابی شو بولده ایضاح ایتدکه در: «فساد فی الارضک عوامل مهمه سندن بری «والذین کفروا بعضهم اولیاء بعض الاتفلوا تکن فتنه فی الارض وفساد کبیر» نظم کریمک ناطق اولدینی وجهله، مؤمنلرک کندیلری کبی مؤمنلری بر اقوبده کافرلری دوست اتخاذا ایتدیرلر. مؤمنلرک منافق ایسه ظاهراً مؤمن طورینی طاقیندینی ایچون حقیقت حالی مؤمنلرک تشخیص ایدوبده اوکا کوره بر مسلک اتخاذا ایتدیرلری ماده مشکل اولدینندن منافقک، شخصیه حصول فساده سببیت ویرمه سی طبعیدر. چونکه اونک

قانون اساسینک احوال اجتماعیه و موقع سیاسی مزله عدم تألیفی (۱)

قاضیه اساسی بزم مال در موقع اجتماعی مزله غیر قابل تألیف در

مؤلفی: پرنس سعید سلیم پاشا

وکیللر ندم مرکب بر مجلس منظره غرابتنامی ارانه ایتش اولوردی . اک مترقی قواعد و نظریات احرارانه و حاکمیت ملیه ناملرینه اوله رق حریت پرورلرک اصیلا جای قبول بوله میه جنی منلی غیر مسیوق بر دره بکلک اداره سنه رجوع ایدلش اولوردی .

قانون اساسینک اصلا شایان نمی اولیان و فقط طبیعی بولنان شو نتایجندن مملکتک وقایه سی ایچون آزچوق کینی و مشروطیت شکنا نه بر طاقم وسائل و تدابیره توسل ایدلکه مجبوریت کورلدی و بوکبی صنیملر سایه سنده افراد اهالی یه کندیلر مجه اسملری بیله معلوم اولیان و فقط حال و موقعی قورتاره حق درجه ده حریت پرورلک فرض و توهم اولنان بر طاقم وکیللر قبول ایتدیرلکه موفقیت حاصل اولمشدر . لکن فالغلتک بو صورتله اوکنه کلمک ایستلمسی دیگر بر فغانی تولید ایتمشدر . چونکه بو صورتله مجلس ملینک ماهیتی تغییر ایدیلرک مجلس مبعوثان عثمانی ملت عثمانیه نک جدی و حقیقی دکل، موهوم و عندی بر مثلن منزله سنه کتیرلمشدر .

مملکتک حال و موقع اجتماعی ایله حقوق سیاسی بیسنده شو عظیم نسبت سزک باقی قالدقجه بالضرور بویله جه دوام ایدوب کیده جکدر.

عثمانی قانون اساسینی کویا بیوک بر اثر حریت پروری اوله رق ناهرستان چولارینه تمتد اولان مملک عثمانیه ده ساکن بولنان بالمله اقوام مختلفه یه عصر مزک اک تمتدن ملی واقوامندن اکثریتینک حائر اولدقلری حقوق و حریت سیاسی بی بخش ایدیور . حالبوکه هیچ کیمسه جه مجهول دکلدنرکه ملت عثمانیه نک اکثریت عظیمه سی تمامیه ابتدائی بر حال و موقع اجتماعیه بولنقدده و افراد اهالی هنوز جسمانی و یادینی و روحانی رئیسک حکم و نفوذینه کور کورینه اتباع ایتدکه و بو رئیسارده اهالینک جهالتی کندی کندیلرینه بر وسینه انتفاع اتخاذا ایدره ک بوندن بر رحمانه بر صورتده استفاده ایلکده در. شو احواله نظر آ بویله بر سویه اجتماعیه ده بولنان بر ملتک بو درجه ده مهم حقوق و حریت سیاسی یه مالکیتی تاریخ انسانیتده ایلك دفعه واقع اولش برشیدر دینه بیلیر . بویله بر حال و موقعک بک غیر طبیعی اولدینی آشکاردر . اول درجه ده که اگر انتخابات حال طبعیسنده اجرا ایدلش اولسه ایدی و اگر منتخبلر کندی وکیللری انتخاب خصوصنده بریست بر اقلمش ویا لکنز کندی تمایلات مخصوصه لرینه اتباع ایلش اولسه لر دی مجلس مبعوثان عثمانی آغالرله بکلردن، مشایخدن، پاپاسلردن و یا خود بونلرک

(۱) بومقاله ۳۲۹ سنه سنده قلمه آلمشدر.

چونکہ احتیاجات مبرمہ اجتماعیہی نظر اعتبارہ آلیان قوانین بو
احتیاجاتک تصدیق ایلہ دائماً تبدیل و تغییر شکل و صورت ایتکہ
محکومدر .

منطقاً ویا نظریاتجہ درجہ تکملری نه اولورسه اولسون، قانونر
حقایقندن انحراف ایدر لرسه مضرب اولمقندن خالی قالمالزر . سوء استعمالته
منجر اولان اداره کیفیه واستبدادیہی تولید ایدن بومضرب قانونر در .
بونلر نہایت الامر اھالینکده اخلاقی افساد ایدرلر .

اگر بر قانون اساسی ہر ادارہ مشروطہ نك اساسی اولان بر مجلس
ملینک ولو بھ آز حقیقی بر ماہیتی حائر اولق اوزرہ تشکلی استحصالہ
بیلہ مساعد اولمازسه بوقانون اساسینک حال وموقع اجتماعیمزلہ غیر قابل
تألیف اولہ جنی درکاردر .

فقط مع التأسف مملکتک قانون اساسیسی یالکز آنک سویہ
اجتماعیسی ایلہ دکل، بلکہ آندن دھا زیادہ اولهرق، تشکلات وتأسیسات
اجتماعیسی ایلہدہ غیر قابل تألیف بولنیور .

ہیئات اجتماعیہ غربیہدہ بک بیوک زرول ایفا ایدن اصالت تاریخیہ،
عثمانی ہیئت اجتماعیہ سنجہ محمولدر . عثمانلیق طائفہ بورژوا
دینیان اھالی تمامیلہ اھمیتدن عاری بر عامل اجتماعی اولدینی حالہ، اوروپا
ہیئات اجتماعیہ سندہ ملل واقوامک مقدراتی اوزرنده بھ مہم بر حکم
ونفوذی حائردر . بوکا مقابل عثمانی ہیئت اجتماعیہ سندہ مأمورلق
اک فعال ومنور بر عنصر تشکیل ایتکہدہ و پک بیوک بر رونق حائر
بولمقدہ وزمانزده بیلہ ہر بر منور عثمانینک فایہ آمالی حکومت مأموری
اولمقدہدر . حالبوکہ مأمورلغہ خاص اولان قیدسزک وتوکل وتسلیمیت
ومسئولیتدن توفی کی مأمورلری ہر درلو حسن فداکاری و تشبث
شخصیدن منع ایدن حالت روحیہ حسیلہ مأمورین عثمانیہ نك اوروپادہ
اصیلزادکان ایلہ بورژوازینک ایفا ایتدکاری وظیفہ بی ایفا ایدہ بیللماری
ممکن دکادر . چونکہ بزم مأمورلر مرکز عکسنہ اولهرق اشبواصلزادکان
ایلہ بورژوازی صنفی جرکتلرنده سربست ومستقل، جسارت مدنیہیہ
مالک ومتشبدلر . مساعی ومسئولیتی آرار وسورلر وحسن فداکاری
ایلہ متحسبدرلر . مسلکاری ایجاباتندن اولهرق مملکتک ضروریتہ
یضایان بر آلی مأمورین حکومت ، بشقہ مملکتلر دہ تشبث شخصیلریلہ
او مملکتک سعادت ومعموریتی تہیہ واحضار ایلیان اصیلزادکان ایلہ
بورژوازینک حائر اولدقاری قیمتی حائر اولہ میہ جقاری طبیعیدر .

مأمورلرک اصیلزادکان ایلہ « بورژوازی » صنفک یرینہ قائم
اولہ بیلہ جکی ظن و ذہانسنہ بولنق عادتاً مسائل اقتصادیہ استھلاکاتی
استحصالات ایلہ قاریشدیرمق کی بر خطای فاحش ارتکاب ایدلکہ
معادل بر خطا در . او حالہ اساسات تشکیلہ سی بزمکیلردن بودر جہلردہ
فرقی بولنان بر طاقم ہیئات اجتماعیہ طرفلرندن تأسیس اولنان تشکلات
سیاسیہ بزم ایشیمزہ نصل یارایہ بیلیر ؟

بویادہ بزمہ حاصل اولان تجربہ قطعیدر . بو تجربہ تشکلات
سیاسیہ مرکز شمیدیکی شکل وصورتسنہ تشکلات اجتماعیہ منزله غیر قابلہ

تألیف اولدینی حقندہ بزمہ اشتباہہ آرتق محل بر اقیور .
مجدد لرمزی بوقدر فاحش خطالرہ دوشورن شی آنلرک
مملکتک احوال سیاسیہ سنی استدکاری کی دکشیدر مکہ احوال
اجتماعیہ سنی تحویل وتقلیبہ موفق اولہ بیلہ جکاری اعتقادندہ بولنمش
اولملریدر . بونلر سادہ جہ بر طاقم قوانین ونظامات متلرینک بر ملتک
حال اجتماعی سنی استلیدیکی وجہلہ تبدیل ایدہ بیلہ جکی ہیئات اجتماعیہ نك
حکوماتک هوسات وحسیاتنہ تابع بولندیگی کی سادہ دلانہ بر فکر دہ
بولنق خطاسنہ دوشمش اولملریدر .

برفنا لک دفعی ایچون اوفنا لک نوع و ماہیتک واونی حصولہ
کتیرن اسبابک بحق ودفع مضرت ایچون دہ اک حقیقی ومؤثر وسائطہ
توسلی اولنسی لابدر . حالبوکہ مملکتک دوچار اولدینی فنا لگی دفع
ایچون توسل ایتمش اولدیغمز تدابیر ووسائطہ کی اصابتسزک ، بو
فنا لک نوع وماہیتنی واسباب حقیقیہ سنی آکلایہ ماش اولدیغمزک بر
دلیل قوی وجایسیدر .

کرچہ ہیئت اجتماعیہ نك دوچار اولدقاری فنا لقی ہریردہ و ہر
زمان قویلرک تغلی یعنی استبداد اولدینی درکار ایسہدہ، ہریردہ
بوفنا لک عینی اسبابدن تولد ایتدیکنہ و ہر زمان عینی ماہیتدہ بولدیغنہ
ورده بونک ممکن اولدینی مرتبہدہ دفعی چارہ سی ہریردہ بر اولدیغنہ
اصلا حکم اولنہماز .

بزم عثمانلیق طائفہ استبدادک غربدہ کی راستبداددن پک باشقہ
بر ماہیتی حائر اولدینی کی غربدہ کی اسبابدن دہ پک فرقی اسبابدن
تولد ایدر .

اعتقادات اسلامیہ دن انبعث ایدن عدالت اساسنہ مبتنی بولنان
قوانینہ متوالیاً تابع بولنمش اولملری سایہ سندہ ہیئات اجتماعیہ اسلامیہ
دائماً درجہ کافیہدہ مساوات وحریت پرور بر طاقم قوانین ونظامات
آلتنده یشامش وبوقوانین سایہ سندہ کندی موقع اجتماعی و سیاسیلرینک
تخملی درجہ سندہ حریت ومساواتہ دائماً نائل اولہ بیللمشدردر .

ہیئات اجتماعیہ اسلامیہدہ شخصاً ویا موقعاً ہیچ بر امتیاز
استبداد ویا تغلی داعی اولہماز . بوجمیتلر عدل وحقانیت اساساتنک
تطبیقیلہ مکلفدرلر . بواساسلر سایہ سندہ درکہ غربدہ دین ومذہب
نامنہ اجرا اولنان مظالم ہیئات اجتماعیہی قانلرہ بویادینی حالہ ممالک
اسلامیہدہ جماعات غیر مسلمہ مسعود وآسودہ بر صورتدہ امرار
حیات ایدہ بیللمشدردر .

بواساسلر کنیش ومنور بر فکرلہ تفسیر وتطبیق اولندقہ
ہیئت اجتماعیہ اسلامیہ نائل ترقی وسعادت اولمش وبالعکس ترک
واھمال ایدیلوب فنا تطبیقی وتفسیر اولننچہ او ہیئت اجتماعیہ
زمانداراننک استبدادیہ قربان اولهرق مستحق اولدینی حالہ
کرفنار اولمقدر .

ایشته بونک ایچوندرکہ ہیئات اجتماعیہ اسلامیہ ادوار انقلابیہ لرینک
هیچ برندہ ہیئات اجتماعیہ غربیہدہ لاینقطع حصولہ کلان مجادلات

دیگر ملت‌ها اساسات اجتماعی و سیاسی‌سنی علی‌العمیا کنندینه مال ایتکه
قالقشمه سنک نه تهلکه‌لی برخطا اولدیفنی ادراک ایدر ایدک. بزکندی
اساساتک محافظه‌سنه ده‌ها زیاده اعتنا کوسترمک لابد اولدیفنی تقدیر
وهیئت اجتماعی‌منز داغما بواساساته مستند بولنمش اولدیفندن بوندن
بویله‌ده بونلره استناد ایتیه‌جک اولورسه محکوم زوال واندراس
اوله‌جفی اکلادق.

قانون اساسی موقع سیمیزله غیر قابل تألیف‌سیر:

قانون اساسیمز حال و موقع اجتماعی‌مزل اولدیفنی قدر حال و موقع
سیاسیمز لده آچیقندن آچینه غیر قابل تألیف‌سیر. دولت عثمانیه‌نک
اساسات تشکیلی برماهیت خصوصیه‌یی حازدر.

بو دولتی تشکیل ایدن ملل و اقوام، قومیت، لسان و ملیت
جهتلرندن اوقدر متخالف‌درکه بویوله‌کی تشکیلی سیاسی‌یه بر اوروبالی
بلک کوجلکه عقل ایردیره‌بیلیر. چونکه اوروپالی‌لرک فکرواعتقادینه
کوره وحدت سیاسی، وحدت جنس و لسان و مذهب ایله یکدیگرینه
مربوط بولنان اشخاصک اتحادندن عبارت‌در. حال بوکه وحدت سیاسی
عثمانیه اتحاد جنس و لساندن وحقی علی‌الاکثر اتحادعات و تماملاتدن
دخی معرادر. بناء علیه وحدت سیاسی عثمانیه اوروپا حکومت
خرستیانیه‌سندن اولدیفنی کپی ملیت اساساتنه دکل، وحدت و اخوت
اسلامیه اساسنه مستنددر. اساساً اسلامیه خاص اولانی بو حسن سایه
سندن‌درکه دنیا‌ده‌کی بشون مسلمانلر کندیلرینی بربرلرینک اخوانی
عد ایدرلر.

بعض متفکرین بویله بروح‌دست سیاسی‌نک حقیقی و دوامی برشی
اوله‌میه‌جفی ادما ایدیورلر. واقعا تاریخ عثمانی بونلرک ادعایرینی
صورت قطعیه‌ده تکذیب ایتمکده ایسه‌ده شوراسنی‌ده علاوه ایدوره‌رکه
ایجاباتی آکلاشلق و اجرا اولنق شرطیه اشبو وحدت سیاسی دخی
دیگرلری درجه‌سندن حازر قیمت اولماقده برسبب منطقی یوقدر.

مع‌التساف بزم متفکرینمزدن یک چوقلری بر ملتک مستحق
اولدیفنی سعادته درجه‌سی آتلق اقوام غریبه‌نک تشکیلات اجتماعی
و سیاسی‌لرینی تقلید خصوصنده‌کی استعدادینک درجه‌سیله متناسب
اولدیفنی اعتقادنده بولنیورلر. حال بوکه بزم بوسورتله اقوام غریبه‌یی تقلید
ایتمز کندی شخصیت‌مزدن، ماضیمزدن، عادات و اعتقاداتمزدن و عادات
موجودیمزدن تجرددن بشقه بر معنی تضمن ایدمه‌من.

حالبوکه هر درلور ترقیات بشریه انسانلرک سنی و ذکاسیله و محیط‌لری
ایله زمانلرینک احتیاجاتی بحق تقدیر ایتلری و بونلری تطبیق‌ده‌کی استعداد
لری ایله حصوله کلدیکنه تردد ایدیله‌من.

بزه کوره وظیفه‌منز هر برفکر تقلیددن خارج اوله‌رق بالکزو وحدت
عثمانیه‌یی تحکیم و تقویه ایچون عتک و کرک انفسی و آفاقی حقایق
بزه اراثة ایتدیکی وساطه توسلندن عبارت‌در. بناء علیه بزم وحدت
سیاسیه‌منک اساساتنه تمایله مابین برطاقم اساساتنه مبتنی بولنان براداره

داخلیه اجتماعی کورمدیلر. ایشته ینه بوسبیله‌درکه ممالک اسلامیه‌ده
استبداد قانوناً غیر جائز و بناء علیه غیر مشروع بر اداره کیفیت
شخصیه حکمنده‌در.

بالعکس هیئات اجتماعی غریبه‌ده اک زیاده جالب نظر اولان
شی، عین مملکتده ساکن و عین مذهب سالک و عین قومیه منسوب
اشخاصک اجتماعی و سیاسی نقطه نظرلرندن بربرلرندن فرقی
موقعلرده بولملری و بوفرقلرک برطاقم قوی مانه‌لرله مؤید اولمیسیدر.
عینی هیئت اجتماعی‌یه منسوب اشخاصک اکثریتله بویله دون موقعلرده
قالملری آنلری شو فرقلر زائل اولنجه‌یه قدر کندی قوانین و نظامات
اجتماعیه و مدنی‌لرینه لایتقطع ده‌ها زیاده مساوات ادخالنه چالشمغه
طبیعیته سوق و اجبار ایتمکده‌در. فقط دیگر طرفندن ینه بو هیئات
اجتماعیه، دیگرلرینک رفع و الغا ایتمکده یک زیاده منفعتدار اولدقلری
شینی محافظه‌ده عینی درجه‌ده منفعتدار بولنان برطاقم صنوف ممتازیه‌یی
احتوا ایتدیکنندن بوندن طولایی هیئات مذکورده مجادلات داخلیه
عادتا مزمن بر حاله کله‌رک دوام ایده کلمکده و بمضاده بو مجادلات
قانی اختلالاته منقلب اولمقده‌در.

اجتماعی موقعلرده‌کی تفاوت و عدم مساوات اشخاصک و یاصونفک
امتیازاتی اساسنه مستنداً تشکیلی ایتش اولان اشبو هیئات اجتماعی‌ده
استبداد و تغلبک جواز قانونی‌یه مستند اولمی و بناء علیه برماهیت
مشروعه اکتساب ایتسی ضروریدر.

شو مقایسه بسیطه دخی هیئات اجتماعی غریبه‌ده استبدادک
اصل و منشائی ماهیتک هیئت اجتماعی اسلامیه‌ده‌کی اصل و منشای ایله
ماهیتندن بسبتون فرقی اولدیفنی نظر مزده اراثة و اثباته کفایت
ایدر. بناء علیه بونلک صورت منی هیئات اجتماعی غریبه‌ده بشقه،
هیئت اجتماعی‌مزده بشقه اولمی اقتضا ایدر.

اوروپا ملل و اقوامی انسانلر ییشنده موجود اولمی لازم‌کن
مساوات طبیعی‌یی یینلرنده وضع ایتک و کندیلرینک کرک مجتمعا
و کرک منفرداً فعالیتلرینه حیولت ایدن موانع و تعییدات نظامیه‌دن
قورتلق و کندیلرینه ده‌ها زیاده حقوق و حریت سیاسی تأمین صورتیه
ده‌ها زیاده تأمین مساوات ایتک ایچون کندی «آریستوقراسی»
قواعدندن انحراف ایتشردر. تشکیلات سیاسی و اجتماعی‌لرینی
ده‌موقراسی، امبول و قواعدینه توفیق متوالیاً چالشمشلسده بز
بو خصوصنده آنلری تقلید ایتک داعیه‌سندن بولنمیز.

چونکه «آریستوقراسی» اصولندن بی‌خبر اولان بر هیئت
اجتماعیه‌یی «دهموقراسی» اصوله توفیقاً تقلیه چالشمق عقل سلیم
کاری دکدر. بوکی مدهیات بزجه بلک ضعیف بر فکر تقلیده
ولور بولور. چونکه اگر بز تکمیل نتیجه‌سی اوله‌رق ده‌ها زیاده
مسئولته و یا ده‌ها زیاده سربستی‌یه نائلیت لزومی جداً حس ایتش
اولسه ایدک بوکا ده‌ها جدی بر صورتده نشبت ایدر ایدک.

بر مات کندی اساسات اجتماعی و سیاسی‌سنی ترک و اهال ایدوبده

مشروطه اجنبیه نك بزده تطبیقته قالمشقیك فاحش برخطا اولدیغنه قائلز. وحدت سیاسیلهری برر عنصر متجانسك عصر لرجه زماندنبری تشکیل ایتدکلی بر اتحاد و اشتراك نتیجه سی اولان ملتره هاند قانون اساسی وحدت سیاسی بی غیر متجانس بر طاقم عناصرك اشتراك و اتحادندن عبارت بولنان بزم کی برملتك نصل اولورده ایشه کلیر؟ اقوام ضریبه نك تشکیلات سیاسیله سی تقلید ایتك بزده کی روابط سیله سیه نك ماهیت خصوصیه سی نظر اعتباره آلامق و بالنتیجه وحدت سیاسی عثمانیه بی طاقتمق دیمکدر. هر بر قانون اساسینك ایفا ایده جکی شرائطدن بر میهنك بو قانون اساسی بی قبول ایدن قومك وحدت سیاسیله سی تحکیم و مرتبه تکامله ایصالدن عبارت اولدیغنه کوره قانون اساسیمزك انتخابنده بلك زیاده آلدائمش اولدیغیمز اعتراف ایتکلمز لازم کلیر .

نتیجه

یوقاریده اعطا ایتمش اولدیغیمز تفصیلاتدن واضحاً آکلاشلدیغنه کوره قوانین و نظامات ضریبه نك نقل و ادخالی نتیجه سی اولورق مملکتك افکار عمومیله سی کندی قانون اساسیمزك کندی زاده ملیسی و انکشاف و انقلابك نتیجه طبیعیله سی اولسی لازم کلدیکنی عاداتا آکلایه میه جق بر درجه به کلشدر. بر قومك کندی احتیاجات و وظائفنه بو درجه لرده بی خبر بولنسی و بو یوزدن یوقدر خطا لره دوهمسی نادرا کوریلان حالاندندر. بزم کی افراطدن قریطه دوشن بر قومك اداره مشروطه تأسسنده کی موقیتسز لکلرینك کندیسنی خطیبات ماضیه به یعنی بتون چکدیکی فلاکتازك اك برنجی سبی اولان اداره مطلقه به طوضرو کتور مسندن قورقیلور. بو ماضی مشؤنه رجوع ایسه عاداتا اتجار اولمش اولور. چونکه هر نه دینیلیرسه دنیلسون بوندن بویله اداره مشروطه دن بشقه بر اداره بزم ایشمزه کلز. بزه جدی و موافق شرف و ناموس بر اداره مشروطه بی تأمین ایده بیله جک اولانده آنجق حقایق و فعلیاته مستند و اصول و عادات قومیه و افکار اجتماعیه و سیاسیله مزه موافق بر قانون اساسی اوله بیلیر .

حقوق عائله و اصول محاکمات شرعیه

قرانامه لری مقننه

۴

یدنجی ماده ده : « اون ایکی یاشنی اتمام ایتمه مش اولان صغیر ایله هتوز یاشنی اتمام ایتمه مش اولان صغیره هیچ بر کیسه طرفندن تزویج ایدیله من . » دینلمش و مذاهب معروفه اسلامیه دن خارج اولان بو حکمك بعض کتبهده همتدین اسلافدن عبدالله بن شبرمه رحمة الله علیه ایله ابوبکر الاصمه نسبت اولنان بر قوله استناد ایتدیرلدیکی لایحه ده کوسترلمش و مجتهد قوی اولسه ده

نص واجاعه مخالف اولمغه تقلیدی جائز اولیوب آنکله امر و حکم اولنسه ده شرعاً صحیح و نافذ اولیه جفتندن غفات ایدلمشدر . بونقلک ابن شبرمه دن صحتی ده یوقدر . ابوبکر الاصم ایسه قومیدیبونجه ظن اولدیغنی کنی ائمهدیندن بر مجتهد دکل، معتزله قدریه دن بر مبتدعدر . امراضه موجود تسمیه سی انکارله « لاعلم الاالجسم الطویل العریض العمیق . » دیمش اولمسیله اهل کلام آرسننده اشتهار ایلشدر . اسمی ده عبدالرحمن بن کیساندر . بوسوز یالکز آنک قوی و یاخود روایتی اوله بیلیر . کتب مذکورده معاً ذکر اولنملری ده بوکا دلالت ایلکده اولوب خلافاک اختلافات معتبره دن اولدیغنه ، قول مبتدع درکسنده بولندیغنه اشارتدر . فیلسوف ابن رشدهه بدایه المجتهدده بو نقلک ابن شبرمه دن صحیح اولدیغنی قبول ایتیور . چونکه نص قرآنه و سنت متواتره نبویه به واجاع صحابه کرامه مخالف اولدیغنی آشکاردر . حق جل و علا کتاب کریمنده « واللایئ یثن من الحیض من نسائکم ان ارتبتم فعدتمن ثلثة اشهر واللایئ لم یحضن » بیورمش . حیضدن قالمش و هیچ حیض کورمه مش اولان زوجات مطلقاتک عدت لرینك اوج آی اوله جغنی فرمان ایتشدر . هیچ حیض کورمه مش اولان زوجهلر ولیلری طرفلرندن تزویج ایدلمش اولان صغیره لردن باشقه کیملر اوله بیلیر؟ رسول اکرم صلی الله علیه وسلم افندمزك ام المؤمنین صدیقهرضی الله عنهای هنوز آتی باشنده ایکن پدرمکرملری اولان صدیق اعظم رضی الله تعالی عنهلک بالولایه تزویجیله نکاح ایتمش اولدق لری امر متواتر و بناء علیه ام المؤمنین زینب رضی الله عنهانك آکا و سائر ازواج طاهراته خطاباً « زوجکن اها لیکن و زوجنی الله من فوق سبع سموات » دینه افتخار ایدر اولدیغنی ده کتب صحیحه حدیثیه ده مضبوط و مشهوردر .

نجزه رضی الله عنهلک کریمه سی ولی خاصی اولان رسول اکرم صلی الله علیه وسلم افندمز سلمة ابن ابی سلمة الحزومی رضی الله عنهما به ایکیسی ده صغیر ایکن تزویج ایلوب مومی الیهانك قبل الزفاف وفات ایتمش اولدیغنی ونبی محترم صلی الله علیه وسلم افندمزك بویوک کریمه سی زینب رضی الله عنهانك قیزی امامه بنت ابی العاص ابن الربیع العبشمی رضی الله عنهای حال صغرنده پدرینك وصیسی و ولیلرندن اولان زبیر بن العوام رضی الله عنهلک عقیده و تیره سی اولان فاطمة الزهرا رضی الله عنهانك وفاتندن سوکوره علی بن ابی طالب رضی الله عنهلک تزویج ایلدیکی؛ و فاطمة الزهرا نك کریمه سی ام کلثوم رضی الله عنهای کذلک حال صغرنده امیر المؤمنین عمر بن الخطاب رضی الله عنه پدری علی بن ابی طالبدن ایسته یوب آنک عقیده جمع صحابه کرامده تزویج ایتدیکی بتون معتبرات حدیثیه و کتب دینیله مضبوط و کمال شهرتله منقول و محفوظدر . امور مذکورده نك هر بری بر دلیل شرعی تشکیل ایلکده ایکن اتباع تابعی علماسندن اولان ابن شبرمه نك بونلرک جمله سندن غافل اولورق خلافتنه ذاهب اولدیغنه ناصیل قناعت اولونه بیلیر؟ آندن بونقلده غلط وار . « صغیر و صغیره لری پدرلری تزویج ایده منزلر .